

Siunnersummut nassuaatit

Nassuaatit nalinginnaasut

1. Aallarniut

1.1. Siunertaq

Piniarneq aallaaniarnerlu pillugit Inatsisartut inatsisaata allanngortinnissaanut siunnersummi akiliisitsilluni aallaaniarnermik aaqqissuussisartut inuiaqtigiinnut kalaallinut attuumassuteqarnissaat pillugu piumasaqaat sukateriffingiarneqarpoq, tammajuitsussarsiniarlunilu piniartitsineq neqeroorutigineqaraangat najukkamit aallaaveqarnissaa pisariaqartumillu misilittagaqartoqarnissaa qulakkeerniarneqarlutik. Tamatuma ilutigisaanik inuussutissarsiutigalugu piniarnermut aallaaniarnermullu qinnuteqarnermut atatillugu nalinginnasumik piumasaqaatit assigalugit qinnuteqartoq ilinniarnissaq sinertaralugu assigisaaniluunniit Kalaallit Nunaata avataaniissimappat, tak. siunnersummi § 10, piumasaqaatinit immikkut akuerineqarnissamut tunngavissaq qulakkeerneqarpoq. Naggataatigut aqtsiveqarfimmi akuersissummik qinnuteqarfingeqartumi najugaqarnermut uppermarsaammik piumasaqaateqarfiusumi, qinnuteqaatinik tigusaqartoqarsimatillugu aqtsiveqarfik kisiat nalunaarutiginagu illoqarfik imaluunniit nunaqarfik nalunaarutigineqartassasoq erseqqissaatigineqarpoq.

1.2. Tunuliaqut

2023-mi piniarnermut aallaaniarnermullu inatsisip suliarineqarnerani najugaqarnissamut piumasaqaatip sakkortusineqarnissaa kissaatigineqarpoq, kingornalu Naalakkersuisunit qaqinneqarpoq matumanilu allannguutissatut siunnersummi oqaasertalerneqarluni, ukiunilu tallimani Kalaallit Nunaanni najugaqarnissamut piumasaqaatip sukaternissaa siunniunneqarluni.

Nunap piniagassatigut pigisaanik pissusissamisoortumik nungusaataanngitsumillu atuinissap suliffissaqartitsinikkullu mianerisassat qulakkeernissaat pillugu inatsisip siunertaa pitsaanerpaamik angujumallugu, akiliisitsilluni aallaaniarnermik aaqqissuussisartup Kalaallit Nunaannut najukkamilu nunap immikkoortuanut attuumassuteqarluarnissaa pisariaqartumillu misilittagaqarnissaa siunnersuutip qulakkeertussaavaa. Nunap avatangiisanut pinnersumut silallu pissusiinut immikkuullarissunut kiisalu nunap piniariarfip ilisarnaataanut aaqqissuussisartup ilisimasaqarluarnissaata qulakkeernerata saniatigut, ukiunik tallimanik piumasaqaatip najukkami piniarnermi ileqqut kulturikkullu naleqartitat paasineqarnissaat ataqqineqarnissaallu aamma

siuarsassavaa, soorluttaaq najukkami attaveqaqatigiittarfimmik nukittuumik peqartoqalernissaa naatsorsutigineqartoq matumani attaveqartarneq tatiginninnerlu ilanngullugit, taakkummata oqartussat suleqatillu peqatigalugit pitsasumik ataqatigiissaarinissamut aalajangiisuuusartut. Tamatuma saniatigut allannguut atortussiassat aatsitassanit pisut pillugit inatsimmut aamma aalisarneq pillugu inatsimmut naleqqussaaneruvoq.

2. Siunnersummi immikkoortut pingarnerit

2.1. Ukiuni tallimani najugaqartussaatitaaneq pillugu piumasaqaat

2.1.1. Inatsisit atuuttut

Inuussutissarsiutigalugu piniarnermut aallaaniarnermullu akuersisummit pissarsinissamut Kalaallit Nunaanni ukiuni marlunni aalajangersimasumik najugaqarsimanissamik piumasaqaat atuuppoq, piniarneq aallaaniarnerlu pillugit Inatsisartut inatsisaanni § 7, imm. 1, nr. naapertorlugu. Sunngiffimmi piniarnissamut akuersisummut aalajangersimasumik najugaqarnissaq taamaallaat piumasaqaataavoq, tak. § 9, piniagassanullu pisassiissutigineqartartunut ukiuni marlunni aalajangersimasumik najugaqarsimanissaq piumasaqaataalluni, tak. § 14, imm. 1.

Akiliisitsilluni aallaaniarnermik aaqqissuussinissamut akuersissut inuussutissarsiutigalugu aallaaniarnissamut akuersissuteqarnissamik piumasaqaateqanngilaq, akiliisitsilluni piniarnermik aaqqissuussinissamut taamaalaat Kalaallit Nunaanni aalajangersimasumik najugaqarnissaq piumasarineqarluni, tak. piniarneq aallaaniarnerlu pillugit Inatsisartut inatsisaanni § 47, imm. 3 tunngavigalugu Namminersornerullutik Oqartussat nalunaarutaanni nr. 22, 19. august 2002-imeersumi §§ 7 aamma 15.

Akiliisitsilluni piniarnermik aaqqissuussisutut akuerineqarnissamut qinnuteqartup periarfissai pillugit malittarisassanik aalajangersaanissamut Naalakkersuisut tunngavii eqqarsaatigalugit, tassunga ilanngullugu najugaqarneq pillugu piumasaqaat, Inatsisartut inatsisaanni atuuttumi § 18-imit uku allassimapput:

§ 18. Akiliisitsilluni aallaaniartitsisartutut akuerineqarnissap angunissaa annaasarnerilu pillugit maleruagassanik ersarinnerusunik Naalakkersuisut aalajangersaasinnaapput, matumani akiliisitsilluni aallaaniarnermi ilisimasortanik atuisarneq akuersisarnerlu ilanngullugit.

Aalajangersakkamut pineqartumut nassuaatini ilaatigut uku ilisimatitsissutigineqarput:

Akiliisitsilluni aallaaniartitsisartutut akuerisatut, qinnuteqaateqarnerup kingorna, isigineqarnissaq anguniaraanni piumasaqaatit suut piumasarineqartassanersut kiisalu angallassisartunut piumasaqaatit suut piumasarineqartassanersut taakkulu akiliisitsilluni aallaaniartitsinermut atatillugu qanoq atorneqassanersut ilaatigut nalunaarummi aalajangersarneqartarsinnaapput. **Tamakku ilaatigut tassaasinnaapput aalajangersimasumik ukiuni aalajangersimasuni najugaqarsimanissamut** kiisalu najukkami aalajangersimasumi ukiuni aalajangersimasuni najugaqareersimanissamut piumasaqaatit. Tamatuma saniatigut, akiliisitsilluni aaqqissuisartumut akuersissutip piffissap qanoq ilinerani aamma qanoq iliorluni arsaarinnissutigineqarsinnaaneranut maleruagassat kiisalu angallassisartunik akuersisarnermut maleruagassat atulersinneqarsinnaapput. (Naalakkersuisoqarfiup erseqqissaanera).

Akiliisitsilluni piniarsinnaanermut piumasaqaatit ilaatigut akiliisitsilluni aallaaniarneq aalisarnerlu pillugit Namminersornerullutik Oqartussat nalunaarutaannit nr. 22, 19. august 2002-imeersumi § 7-mi, § 8, imm. 1-imi, tak. imm. 3, § 8, imm. 4-mi, § 15-imi kiisalu § 16, imm. 4-mi takuneqarsinnaapput.

Nalunaarummi § 7 malillugu akiliuteqarluni piniarneq taamaallaat inunnit Naalakkersuisut Allattoqarfiannit akuerineqarsimasunit, tak. § 8, imm. 1, Kalaallit Nunaanni aalajangersimasumik najugaqartunit aamma Kalaallit Nunaanni inuussutissarsiuteqarnissamut naammassinnissimasunit aaqqissuunneqarsinnaavoq. § 8, imm. 1-imi ilaatigut piumasarineqarpoq qinnuteqartoq akuersisummut tunngasumik uumasunut akiliisitsilluni piniarnermik aaqqissuussisinnaanerminik uppernarsaasinjaassasoq, aamma imm. 3-mi ilitfersuisunut piginnaasaqartunut piumasaqaatit allatorneqarsimallutik. Tamatuma saniatigut imm. 4 malillugu pingaartinneqarluni qinnuteqartoq piniarnerup ingerlannissaanut pisariaqartunik atortoqassasoq aamma piniarneq, aallaaniarneq imaluunniit takornariartitsineq pingaarnertut inuussutissarsiutigissagaa. Uumasunik piniagassanik mikinerusunik akiliisitsilluni aallaaniarneq pillugu nalunaarummi § 15-mi piumasarineqarpoq Naalakkersuisut Allattoqarfiannit qinnuteqartoq akuerineqarsimassasoq, Kalaallit Nunaanni aalajangersimasumik najugaqassasoq aamma Kalaallit Nunaanni inuussutissarsiuteqarnissamut piumasaqaatinik naammassinnissimassasoq.

Qulaani Inatsisartut inatsisaanni § 18-mit takuneqarsinnaasutut ukiuni aalajangersimasuni, tassunga ukiuni tallimani najugaqarsimanissaq, najugaqarsimasuunissaq pillugu nalunaarutikkut piumasaqaateqarnissamut Naalakkersuisut piginnaatinneqarput. Piniarneq aallaaniarnerlu pillugit Inatsisartut inatsisaat piniarneq aallaaniarnerlu pillugit tunngaviusunik sinaakkutissanik aalajangersaammatt, aamma najugaqarnissamut piumasaqaat piniarnermik ingerlataqarfiup iluani

inuussutissarsiornermik ingerlataqarsinnaanermiit killilersuisutut isigineqarsinnaammatt
Naalakkersuisut naliliisimapput inuit oqartussaaqataanerannut paasiuminartumillu
suleriaaseqarnermut naapertuuttumik pitsaanerussasoq allannguineq inatsisikkut ingerlanneqarpat
aamma inatsisiliortartuni sukumiinerusumik suliarineqarluni.

Inatsimmik allannguineq Kalaallit Nunaata nunani tamalaani pisussaaffinnut naapertuunnersoq
Naalakkersuisunit aamma isumaliutigineqarsimavoq, tassunga pingaartumik ilanngullugu ILO-mi
isumaqatigiissut nr. 111 aamma aningaasarsiornikkut, inuuniarnikkut kulturikkullu pisinnaatitaaffit
pillugit FN-ip isumaqatigiissutaa.

ILO-mi isumaqatigiissut nr. 111-mi inuaassuseq, qalipaat, suaassuseq, upperisarsiorneq,
politikikkut isummat, nunami pinngooqqaarfik inuttullu naggiuit tunngavigalugit assigiinngisitsineq
inerteqquaavooq. Isumaqatigiissummi tassani sammineqartoq tassaavoq sulifeqarnermi
inuussutissarsiummilu assigiinngisitsisoqanngitsumik assigiimmik periarfissaqarnerit pineqarnerillu
qulakkeerneqarnissaat. Najugaqarnissamik piumasaqaat nunanut allamiunut imaluunniit inunnut
Kalaallit Nunaanni aalajangersimasumik najugaqanngitsunut taamaallaat atuuppat, sukaterinermut
kinaassusersiunngitsumik naammaginartumillu tunngavilersuutitaqanngitsumik nunami
aallaaveqarneq tunngavigalugu toqqaannanngitsumik assigiinngisitsinertut isigineqaratarsinnaavoq.

Naalakkersuisut naliliipput najugaqarnissamut piumasaqaat allanut naleqqiussinerusoq aamma
inatsisitigut akuersinissamik siunertaqartoq, tassa akiliisitsilluni aallaaniarnermik aaqqissuussisup
sumiiffimmut, isumalluutinut aallaaniarnermilu piujuartitsinissamik isiginninnissamik annertuumik
ilisimasaqarnissaanik qulakkeerimmata, taakku naapertuinermikkut aamma piniarneq
aallaaniarnerlu pillugit Inatsisartut inatsisaanni ilanngunneqarsimasut nunami piniagassanik
piujuartitsumik iluaquteqartitsillutillu sulifeqarnikkullu eqqarsaatiginnikkamik. Taamaattumik
piumasaqaat ILO-mi isumaqatigiissummi sinaakkutit iluanniittutut illersorneqarsinnaasut
isigineqartariaqarlutik.

Aningaasarsiornikkut, inuuniarnikkut kulturikkullu pisinnaatitaaffit pillugit FN-ip
isumaqatigiissutaa (ICESCR), immikkoortortaq 2.2-mi inuaassuseq, qalipaat, suaassuseq,
upperisarsiorneq, politikikkut isummat, nunami inuttullu aallaaviit, pigisat, inunngorneq
allatigulluunniit isumaqatigiissummi akuerineqartunut pisinnaatitaaffinnut attuumassuteqartut
tunngavigalugit assigiinngisitsineq inerteqquaavooq, aamma immikkoortortaq 6.1-im
aalajangersarneqarluni sulifeqarnissamut pisinnaatitaaffik, tassunga ilanngullugu inuup
killilersugaanani toqqarsinnaasaanik akuerisinnaasaanilluunniit sulineq aqqtigalugu
isertitaqarnissamut pisinnaatitaaffik, aamma pisinnaatitaaffiup taassuma tamakkiisumik

piviusunngortinnissaata qulakkeerneqarnissaanut naalagaaffik tulluartumik alloriarnissamut pisussaaffeqluni.

Tassunga atatillugu Naalakkersuisut naliliipput najugaqarnissamut piumasaqaat allanut naleqqiussinerusoq aamma inatsisitigut akuersinissamik siunertaqartoq, tassa akiliisitsilluni aaqqissuussisup isumalluutinik illersuinissamut pitsaanerulernissaata qulakkeernissaanut tamanna tulluarlunilu pisariaqarmat aamma aallaaniarnermiq akisussaassuseqartumik aqutsinissaq qulakkeermagu, taamaattumik inerteqqussut immikkoortortaq 2.2 malillugu assigiinngisitsinerunani.

2.2. Inuaqatigiinnut kalaallinut aalajangersimasumik attuumassutilik

2.2.1. Piumasaqaat pillugu nalinginnaasumik oqaatigiumasat

Taaguut "inuaqatigiinnut kalaallinut aalajangersimasumik attuumassutilik" Kalaallit Nunaanni inatsisiliornermi atugaasorujussuuvoq saqqummiunneqartarlunilu, inuk inuaqatigiinnut kalaallinut inuttut sakkortuumik attuumassuteqaraangat. Inuk ataaseq inuaqatigiinnut kalaallinut aalajangersimasumik atassuteqartuuneq pillugu pisuni ataasiakkaani aalajangersimasumik naliliinermik tamanna tunngaveqarpoq. "Aalajangersimasumik atassuteqarnermut" ilaapput assersuutigalugu inuit Kalaallit Nunaanni inunngorsimasut alliartorsimasullu aamma inuit Kalaallit Nunaanni aalajangersimasumik najugaqartunik qanigisaqtut. Inuup Kalaallit Nunaata avataani najugaqarnikuunera utaqqiisaasuusimasutut iluseqarnersoq aamma inuup Kalaallit Nunaanni najugaqalernera sioqqullugu, inuup najorsimasaminut najugaqarfingisimasaminullu inuaqatigiinnut sakkortuumik attuumassuteqarfigilersimanngisaattut iluseqarnersoq nalilersuinermut ilaasinnaapput. Taamatuttaaq inuup Kalaallit Nunaanni najugaqalernermigut, inuup pineqartup Kalaallit Nunaanni najugaqalernissani sioqqullugu, inuup najorsimasaminut najugaqarfingisimasaminullu nunamut attuumassuteqarnerminik unitsitsisimanersoq nalilersuinermut ilaasinnaavoq.

2.2.2. Inatsisissatut siunnersuummi taaguutip qanoq isumaqarnera

Taaguut "aalajangersimasumik attuumassuteqarneq" inatsisissatut siunnersuummi oqaaseqatigiinni atorneqartoq, § 16 a, nr. 2-mi aamma 3-mi piumasaqaatinik saqqummiunneqartunik ataatsimoortitsivoq, kisiannili piumasaqaatit taakku eqquutsinneqarsimappata pisuni qaqtigoortorujussuarni nammineerlutik atorneqarsinnaapput, taamaakkaluartorli aaqqissuussisartup Kalaallit Nunaannut attuumassuteqarnera ima iluseqarsinnaavoq, taanna "aalajangersimasutut" nassuiarneqarsinnaanani. Nr. 2-mi aamma 3-mi piumasaqaatinut tunngatillugu saneqqutaarisooqarneranik pasitsaassisooqarp, piumasaqaat "inuaqatigiinnut kalaallinut aalajangersimasumik attuumassuteqarneq" nammineerluni isumaqartinneqassaaq. Taamaattoqarsimappat inuk inuaqatigiinnut kalaallinut aalajangersimasumik attuumassuteqarnersoq pillugu aalajangiineq aallaaveqartinnejassaaq, inuk pineqartoq

inuiaqatigiinnut kalaallinut pivusumik ilaasuusoq. Inuk piumasaqaatinik nr. 2-miittunik 3-miittunillu piumasarineqartumik eqquutsitsisoq, taamaattorli nunami najugaqavinnitsoq, taamaalilluni § 16 a, nr. 1-imi aalajangersakkamut ilaatinneqarsinnaavoq.

2.2.3. Kalaallit Nunaanni najugaqartutut inuit allattorsimaffianniinneq

Inuk Kalaallit Nunaanni najugaqartutut inuit allattorsimaffianniissaq, ukiunilu tallimani qaangiuttuni (qaamatini 60-ini) najugaqarsimassalluni, tamanna naatsorsorneqassaaq inuup ulloq akiliisitsilluni aallaaniarnermik aaqqissuussisartutut akuersissut aamma akuerineqarnissaq pillugu qinnuteqarfisaanit. Najugaqarnissamut piumasaqaatit sukaterneqarnerannut tunuliaqutaasoq tassaavoq, nunap piniagassatigut pigisaanik pissusissamisoortumik nungusaataanngitsumillu atuinissap suliffissaqartitsinikkullu mianerisassat qulakkeernissaat pillugu inatsisip siunertaa pitsaanerpaamik angujumallugu, akiliisitsilluni aallaaniarnermik aaqqissuussisartup Kalaallit Nunaannut najukkamilu nunap immikkoortuanut attuumassuteqarluarnissaa pisariaqartumillu misilittagaqarnissaa.

Nunap avatangiisanut pinnersumut silallu pissusiinut immikkuullarissunut kiisalu nunap piniariarfiup ilisarnaataanut aaqqissuussisartup ilisimasaqarluarnissaata qulakkeernerata saniatigut, ukiunik tallimanik piumasaqaatip najukkami piniarnermi ileqqut kulturikkullu naleqartitat paasineqarnissaat ataqqineqarnissaallu aamma siuarsassavaa, soorluttaaq najukkami attaveqaqtigiittarfimmik nukittuumik peqartoqalernissaa naatsorsuutigineqartoq matumanit attaveqartaneq tatigininnerlu ilanngullugit, taakkummata oqartussat suleqatillu peqatigalugit pitsasumik ataqtigiissaarinissamut aalajangiisuuusartut. Tamatuma saniatigut allannguut atortussiassat aatsitassanit pisut pillugit inatsimmut aamma aalisarneq pillugu inatsimmut naleqqussaaneruvoq.

Ukiunik tallimanik maleruagassaq aqqutigalugu aamma siunertaasoq tassaavoq, akiliisitsilluni aallaaniartitsinermik aaqqissuussisartutut akuersissummik pissarsissagaanni piumasaqaatit inuup naammassissagai pillugu pimasaqaatit attiinnarneqassasut aamma aalajangiinissaq ajornannginnerulissasoq. Matuma kingorna ukiunik tallimanik maleruagassap eqquutsinneqarnera nalinginnaasumik naammassaaq. Saneqqutaarisqartoq pasitsaassisqarpat, piumasaqaat "inuiaqatigiinnut kalaallinut aalajangersimasumik attuumassutilik", nr. 1 naapertorlugu, nammineerluni isumaqalissaaq tassami pineqartoq Kalaallit Nunaanni aalajangersimavissumik najugaqarnersoq aamma najugaqartuusaaginnarnersoq mianerisariaqalissammatt.

2.4. Sukaterineq aamma immikkut ittumik akuersissuteqarneq

Akiliisitsilluni aallaaniartitsinermik aaqqissuussisartup najugaqartussaatitaanerata ukiunut tallimanut sivitsornissaa siunnersuutip siunertaraa, kisianni tamatuma saniatigut § 10 naapertorlugu

akuersisummik pissarsisinnaanermut nalinginnaasumik immikkut ittumik akuerineqarnissamut maleruagassat malillugit, taamaattoq piniarnermut aallaaniarnermullu atortunik pigisaqarnissaq pillugit piumasaqaatit kiisalu piniarnermit, aallaarniarnermit aalisarnermiillu ilanngaatitaqanngitsumik isertitat 50 procentiunissaannik piumasaqaat minillugit, taamaattumik Inatsisartut inatsisaanni § 10, nr. 1-imi siunnersuutigineqarluni allannguutissatut siunnersuummut § 16 a-mut innersuussineq ilanngunneqassasoq.

2.5. Aqutsiveqarfimmi nunagisami anginerusumi mikinerusumiluunniit immikkut najugaqarnissaq pillugu uppernarsaaneq

Qinnuteqartoq qinnuteqarfingineqartumi aqutsiveqarfimmittumi akuersisummut ilaasumik najugaqarfimmi anginerusumi mikinerusumiluunniit sorlermi najugaqarnermik nalunaarneqassasoq, piumasaqaatigineqarsinnaasoq pillugu erseqqissaassut ilanngunneqassasoq kingullertut siunnersuutigineqarpoq. Akuersisummik qinnuteqartoq aqutsiveqarfimmi ataatsimi, assersuutigalugu Upernavimmi aamma nunaqarfimmi, najugaqartut najugaqarfimmait anginerusumiit mikinerusumiilluunniit imaluunniit illoqarfimmait illoqarfimmut nunaqarfimmi pisassiisutinik nungunngitsuukkat ilaannik pissarsiumalluni nuuppat, naak najugaqarfimmi anginerusumik mikinerusumiluunniit aalajangersimasumik najugaqarlunilu nalunaarsorneqarsimagaluarluni. Pisassiissutit ilaat ilaatigut najugaqarfimmi anginerusumi mikinerusumiluunniit innuttaasut amerlassusiat eqqarsaatigalugu agguataarneqartarput.

3. Pisortanut aningaasaqarnikkut allaffissornikkullu kingunerisassat

Siunnersuut pisortanut aningaasaqarnikkut allaffissornikkulluunniit sunniuteqarnissaat naatsorsuutigineqanngilaq, qinnuteqartoqartartussaammat allannguutinullu ilaasunut paasissutissat suliarineqartartussaareermata. Kinguneqaataaratarsinnaasunut tapersiissutaasinnaasunik paasissutissanik peqartoqanngilaq.

4. Inuussutissarsiortunut aningaasaqarnikkut allaffissornikkullu kingunerisassat

Aallaaviatigut siulianisulli isikkoqarpoq, taamaattorli ingerlatsisut aalajangersimasut inuaqatigiinnut kalaallinut attuumassuteqanngitsut akiliisitsilluni aallaaniarnermut ingerlatsisinaassanngillat. Aningaasaqarnikkut kinguneqaatit saqqummeratarsinnaasut amerlassusaannik nassuaasinnaasunik paasissutissanik uppernarsakkanik peqartoqanngilaq.

5. Avatangiisinut, pinngortitamut inuillu peqqissusaannut kingunerisassat

Siunnersuut avatangiisinut, pinngortitamut inuillu peqqissusiannut sunniuteqassangatinneqanngilaq.

6. Innuttaasunut kingunerisassat

Ingerlatsisut 4-p ataani taaneqartut eqqaassanngikkaanni siunnersuut innuttaasunut sunniuteqassangatinneqanngilaq.

7. Kingunerisassat pingarnerit allat

Siunnersuutip annertunerusunik kinguneqarnissaa naatsorsuutigineqanngilaq.

8. Pisortanik aamma kattuffinnik il.il. tusarniaaneq

Siunnersuut piffissami 2024-mi juulip aqqarnaniit augustip arfineq pingajuanut tusarniutigineqarsimavoq.

Siunnersummi aalajangersakkanut ataasiakkaanut nassuaatit

§ 1-imut

Nr. 1-imut

Qinnuteqartoq nammineersinnaassuseqassasoq taamaalillunilu nammineq najukkaminut oqartussaasinnaassasoq aalajangersakkap piumasaqaatigaa, tassami akiliisitsilluni aallaaniartitsinermik aaqqissuussisartut eqqartuussivimmuit pituttukkanik isumaqtigiissusiortartussaammata, tamanna perungassuseqarnermik taamaalillunilu minnerpaamik nammineersinnaassuseqarnermik piumasaqaatitaqarpoq. Qassinik ukioqarnissamik piumasaqaat (18-inik ukiulik) taamaalilluni inuussutissarsiutigalugu piniarnermut allagartartaarsinnaaneq (15-inik ukiulik) aamma sunngiffimmi aallaaniarsinnaaneq (Aqqaneq-marlunnik ukiulik) pillugu uppernarsaammik pissarsinissamut qassnik ukioqarnissamik piumasaqaatinit allaaneruvoq.

Tamatuma saniatigut qinnuteqartoq inuiaqtigiinnut kalaallinut aalajangersimasumik attuumassuteqartussaavoq, tassungalu atatillugu taaguut § 16 a, nr. 2-mi aamma 3-mi piumasaqaatinik ataatsimoortitsilluni, tamatumalu nassatarisaanik inuk Kalaallit Nunaannut akileraartartuussaaq aamma Kalaallit Nunaanni inuit allattorsimaffiannut nalunaarsorneqarsimassalluni. Tamatuma saniatigut taaguut namminerisaminik 2.2.1.-imi aamma 2.2.2.-mi nalinginnaasumik nassuaatini nassuiardeqarsimasutuut isumaqarsinnaalluni.

2) Inuk Kalaallit Nunaanni najugaqartutut inuit allattorsimaffianni allassimassaaq aamma akuersissut akuerineqarnissarlu pillugit qinnuteqarnerminiit ullormit tassannga ukiut tallimat allassimareersimassalluni, tak. imm. 2.2.3.-mi nalinginnaasumik aalajangersakkat erseqqinnerusut. Kalaallit Nunaanni sumi najugaqarsimaneq piumasaqaammik matuminnga naammassinninnermut sunniuteqanngilaq.

3) Inuk Kalaallit Nunaannut tamakkiisumik akileraartussaatitaassaaq aamma ukiut ullorsiutaat tallimat kingulliit akileraartussaatitaasimassalluni. Tassa imaappoq, inuk 2025-mi akiliisitsilluni aallaaniarnermik aaqqissuussisinnaanermut akuerineqarnissamik qinnuteqartoq 2025-mi tamakkiisumik akileraartussaatitaanermi saniatigut, ulloq 1/1-2020-miit ulloq 31/12-2024 ilanngullugu aamma tamakkiisumik akileraartussaatitaasimassaaq.

Nr. 2-mut

Aalajangersagaq tassaavoq pioreersumik § 10, imm. 1, nr. 1-imik atueqqinneq, § 16 a-mik ilanngussinerup malitsigisaanik kingunerisatut ilanngussaasoq, taamaalillutillu oqaaseqaatit, piniarneq aallaaniarnerlu pillugit inatsimmi § 10, imm. 1, nr. 1-imut oqaaseqatigiinnut pioreersunut assigilfersinneqarput ilanngussaq "amma § 16 a" minillugu, uanili atuisup paasinninnissaa siunertaralugu ilanngunneqarlutik.

1-imut) Naalakkersuisut nalinginnaasumik Kalaallit Nunaanni inuiaqatigiinnut attuumassuteqarnissamut, najugaqarnissamut kiisalu akileraartussaatitaanermut piumasaqaatinut immikkut akuersissuteqarsinnaapput, pineqartoq ilinniarneq assigisaaluunniit pissutigalugu Kalaallit Nunaata avataani najugaqarsimappat. Pingaernerusrli tassaavoq, pineqartoq ilinniariarluni, suliffimmik misiliilluni, mesteritut ilinniariarluni assigisaanilliunniit ingerlatsiartorluni nunami allamiissimanissa, tamannalumi aamma inuussutissarsiummi allami ilinniartutut atorfimmiennermik aallaaveqarsinnaavoq. Matumanii pineqartoq soraarummeernermit uppernarsaammik, diplom-imik assigisaanilliunniit ilaqtillugu ilinniarnerminik naammassinninersoq pingaarttuunngilaq, kisiannili pineqartup ilinniarnerup assigisaataluunniit ingerlannerani sumiissimanerluni uppernarsarsinnaassavaa. Piniarnermut, aallaaniarnermut aalisarnermulluunniit ilinniarneq attumaassuteqassasoq piumasaqaataanngilaq.

Tassunga atatillugu "najugaqarallarnermi" pineqartup Kalaallit Nunaata avataani piffissami qanoq sivisutigisumik najugaqarsimanera aalajangiisutut pingaartinneqanngilaq. Taamaattorli pineqartoq ilinnialernissamut qinnuteqaateqarsimanersoq imaluunniit Kalaallit Nunatsinniit pisinnaasassamik assingusumik allamik pisinnaasaqalernissaq siunertaralugu aallaqqasimanersoq pingaartinneqartarpoq.

Matuma saniatigut qinnuteqartup Kalaallit Nunaannut attuumassuteqarnera naammaginartutut nalilerneqarpat, piumasaqaatinit immikkut akuersissuteqarneq tunniunneqarsinnaavoq. Matumani pingaartillugu isiginiarneqartarpoq, pineqartoq Kalaallit Nunaannut qanittumik attuumassuteqarnersoq assersuutigalugulu Kalaallit Nunaanni inunngorsimanersoq alliartorsimanersorlu, kisiannili piffissami kingullermi nammineerluni imaluunniit ilaqtatap qanigisap napparsimanera imaluunniit pissutsit immikkut ittut assingusut pissutigalugit Kalaallit Nunaanni najugaqarsimaganngitsoq.

Nr. 3-mut

Aalajangersakkap § 13, imm. 7-miittup atuuttup, akuersissummik tunniussinissaq sioqqullugu pineqartup aqtsiveqarfimmi qinnuteqaateqarfiusumi sivikinnerpaamik ataannartumik qaammatini pingasuni uppernarsaasikkamik najugaqarsimanissa, piniakkanut pisassiissutaasartunut akuersissummik inuussutissarsiutigalugulu piniarnermut uppernarsaammik pissarsisinnaanermi, piumasaqaataasinnaasoq periarfissippaa.

Naak nalunaarsorneqarfisaminni nunaqarfimmi aalajangersimasumik najugaqaraluarlutik, nunaqarfimmuit pisassiissutit pisarinngitsuukkat ilaannik pissarsiumallutik nunaqarfimmuit nunaqarfimmuit imaluunniit illoqarfimmuit illoqarfimmuit nuuttartunit, akuersissummik qinnuteqarfiusumut aqtsiveqarfimmi ataatsimi najugaqartunit inunnit qinnuteqaatit pinngitsoorniarlugit, piffissap qinnuteqarfiusup nalaani qinnuteqartup pineqartup illoqarfimmi nunaqarfimmiluunniit sorlermi najugaqarnera uppernarsaasiinerup takussusissagaa erseqqissarniarlugu "aqtsiveqarfik"-up kingorna "illoqarfik nunaqarfilluunniit" allannguutissatut siunnersuutip ilannguppai.

§ 2-mut

Imm. 1-imut

Inatsisartut inatsisaat 1. januar 2025-mi atuutilissasoq siunnersuutigineqarpoq.

Imm. 2-mut

Inatsisartut inatsisaata atulersinnissaa sioqqullugu inatsisit naapertorlugit takornariartitsisartutut anguneqarsimasumik akiliisitsilluni aallaaniarnermik aaqqissuussinissamut akuersissutinut

Inatsisartut inatsisaat atorneqassanngitsoq aalajangersakkami imm. 2-mi aalajangersarneqarpoq.

Ilanngussaq 1

Siunnersuut inatsimmut atuuttumut sanilliullugu	
<i>Oqaasertaliunneqartut atuuttut</i>	<i>Siunnersuut</i>
	§ 1 Piniarneq aallaaniarnerlu pillugit Inatsisartut inatsisaanni nr. 34, 13. juni 2023-meersumi tulliuttut allanngortinneqarput:
	1. § 16-ip kingorna ikkunneqarpoq: ” § 16 a. Inuit Kalaallit Nunaanni akiliisitsilluni aallaaniarnermik aaqqissuussisartut nammineersinnaassuseqassapput aamma: 1) kalaallinut inuiaqatigiinnut aalajangersimasumik attuumassuteqassapput, 2) sivikinnerpaamik ukiuni tallimani Kalaallit Nunaanni aalajangersimasumik najugaqarsimassallutik, 3) ukiuni kingullerni tallimani Kalaallit Nunaanni tamakkiisumik akileraartartussaatitaasimassapput.”
§ 10. Naalakkersuisut immikkut ittumik akuersissuteqarneq nalunaarutigisinjaavaat: 1) §§-it 7-9-nit, inuk pineqartoq piffissani taaneqartuni ilinniarnermik assigisaannilluunniit peqquteqartumik Kalaallit Nunaata avataaniikkallarsimappat imaluunniit qinnuteqartup Kalaallit Nunaannut attuumassuteqarnera naleqquuttutut nalilerneqarpat,	2. § 10 imatut oqaasertalerneqassaaq: ” § 10. Naalakkersuisut immikkut akuersissuteqarsinjaapput: 1) §§-it 7-9-mit aamma § 16 a-mit, inuk pineqartoq piffissani taaneqartuni ilinniarnermik assigisaannilluunniit peqquteqartumik Kalaallit Nunaata avataaniikkallarsimappat imaluunniit qinnuteqartup Kalaallit Nunaannut

<p>2) § 7, imm. 1, nr. 5-mit aamma § 8-mit, inunnut manna tikillugu pingaarnertut inuussutissarsiuteqarsimangitsunut,</p> <p>3) § 7, imm. 1, nr. 5-mit aamma § 8-mit, isertitat amerlassusissaat pillugu piumasaqaatit eqquutsinnejangannginnerinut pissutsit immikkut ittut sunniisuusut atuussimanerat upernarsarneqarsinnaappat,</p> <p>4) § 7, imm. 1, nr. 5-mit aamma § 8-mit, inunnut siusinnerusukkut inuussutissarsiutigalugu aalisarnermik, piniarnermik aamma aallaaniarnermik pingaarnertut inuussutissarsiutitut ingerlatsisimangitsunut,</p> <p>3) § 7, imm. 1, nr. 5-mit aamma § 8-mit, isertitat amerlassusissaat pillugu piumasaqaatit eqquutsinnejangannginnerinut pissutsit immikkut ittut sunniisuusut atuussimanerat upernarsarneqarsinnaappat,</p> <p>4) § 7, imm. 1, nr. 5-mit aamma § 8-mit, inunnut siusinnerusukkut inuussutissarsiutigalugu aalisarnermik, piniarnermik aamma aallaaniarnermik pingaarnertut inuussutissarsiutigalugu ingerlataqarsimasunut, tamanna piniarneq pillugu qarasaasiatigut toqqortaatinit upernarsarneqarsinnaappat, aamma</p> <p>5) § 7, imm. 1, nr. 4-mit, inunnut 18-it inorlugit ukiulinnut piniarnermut aallaaniarnermullu atortulersuutinik pisariaqartunik pigisaqartunut sunngiffimmilu piniarsinnaanermut atuuttumik allagartalinnut.”</p>	
<p>§ 13, imm. 7.. Piniakkanut killilersukkanut akuersissut aamma inuussutissarsiutigalugu piniarsinnaanermut akuersissuteqarneq piumasaqaateqarfiusinnaavoq, inuk pineqartoq akuersisummik tunniussisoqarnissaa sioqqullugu nunap immikkoortuani aqutsiveqarfiusumi qinnuteqarfingineqartumi minnerpaamik qaammatini pingasuni ataannartumik</p>	<p>3. § 13, imm. 7, imatut oqaasertalerneqassaaq: ” <i>Imm. 7. Inuk pineqartoq akuersisummik tunniussisoqarnissaa sioqqullugu aqutsiveqarfimmi aalajangersimasumi qinnuteqarfiusumi najukkami anginerusumi mikinerusumiluunniit sivikinnerpaamik qaammatini pingasuni ataavartumik najugaqarsimassasoq piniakkanut</i> ”</p>

najugaqarsimanerminut uppernarsaateqassasoq.	pisassiiffiusartunut akuersissummi aamma inuussutissarsiutigalugu piniarnermut akuersissummi piumasaqaateqarfiusinnaavoq. ”
	<p style="text-align: center;">§ 2</p> <p>Inatsisartut inatsisaat 1. januar 2025-mi atuutilissaq. <i>Imm. 2.</i> Inatsisartut inatsisaata atuuttunngornissaa sioqqullugu inatsit naapertorlugu pissarsiarineqarsimasut, akiliisitsilluni aallaaniartitsisinnaanermut akuersissutinut Inatsisartut inatsisaat atuutinngilaq.</p>

Ilanngussaq 2**Tusarniaanermut akissutit****Oqartussaasut suleqatigiiffiillu il.il. tusarniaavagineqarnerat**

Piniarneq aallaaniarnerlu pillugit inatsisip allanngortinnissaanut siunnersuut, piffissami 11. juli 2024-miit 8. august 2024 tikillugu tusarniutigineqarnikuuvooq.

Siunnersuut piffissami tassani www.naalakkersuisut.gl-im Naalakkersuisut tusarniaasarnermut nittartagaanni tamanut saqqummiunneqarpoq.

Siunnersuut ukununnga tusarniutigalugu nassiunneqarnikuuvooq:

Sulisitsisut, KNAPK, Kalaallit Nunaanni Politiit, Siulittaasup Naalakkersuisoqarfia, Nunalerinermut, Imminut Pilorsornermut, Nukissiornermut Pinngortitamullu Naalakkersuisoqarfik, Aningaasaqarnermut Naalakkersuisoqarfik, Inuussutissarsiornermut, Niuernermut, Aatsitassaqarnermut, Inatsisinillu Atuutsitsinermut Naligiissitaanermullu Naalakkersuisoqarfik, KNQK, Pinngortitaleriffik, Avannaata Kommunia, Kommune Qeqertalik, Qeqqata Kommunia, Kommune Kujalleq, Kommuneqarfik Sermersooq.

Inatsisisatut siunnersuummut oqaaseqaatinik tulliuttut nassiussisimapput:

- ALJ Consult/Uppik Adventure
- Inuk Expedition
- Inuk Adventure
- Disko Bay Tours
- Authentic Greenland
- Ilulissat Water Tours
- Uummannaq Seasafaris
- Qeqqata Kommunia
- Kommuneqarfik Sermersooq
- KNAPK

Suliffeqarfimmi namminermi tusarniaaffigisanit akissutit tiguneqartut ilanngunneqarsimapput, kisianni nassuaatini kinguliiniittuni ilanngunneqaratik.

ALJ Consult/Uppik Adventure tusarniaanermut akissutiminni allappoq, "qinnuteqartoq isertitanit tamarmiusunit akiliisitsilluni aallaaniarnermit aalisarnermiillu ikinnerpaamik 50 %-inik isertitaqassaaq, malitsigisaanik akiliisitsilluni aallaaniarnermit aaqqissuussisup inuussutissarsiuutinit imaluunniit saniatigut inuussutissarsiuutinit allanit 50 %-it sinnerlugin isertitaqaruni, akuersissut pigisani annaassavaa.

Akiliisitsilluni aallaaniartitsisartutut aallarnisaanissaq tamatuma piviusumik periarfissaarutsippaa, pingaartumik Kangerlussuaq eqqaassanngikkaanni tassani qangalili suliffeqarfinnik amerlasuunik peqareermat.

Akiliisitsilluni aallaaniartitsisarnermi piffissaq aallaaniarfiusartoq, assersuutigalugu Nuummi siviktsuararsuuvoq, taamaattumik inummut Nuup eqqaani akiliisitsilluni aallaaniartitsisarumasumut saniatigullu aalisarnermit inuussutissarsiunngitsumut, piumasaqaammik taassuminnga eqquutsitsinissaq ajornakusuussaaq. Taamaalilluni aalisartut piniartullu sakkortuumik saliunneqarput takornariartitsisartullu allat mattunneqarlutik, piumasaqaatinik allanik tamanik naammassinninnikuugaluartut.

Eqqortuusinnaava, nunami maani aalisartut/piniartut kisimik akiliisitsilluni aallaaniartitsinermik neqerooruteqarnissaminut akuerisaasut?

Akiliisitsilluni aallaaniarneq, "misigisassarsiorluni" takornariarnertut Visit Greenland-imit taaneqarnikuovoq, ingerlanneqarneralu suli annertusineqarumagaluarpoq. Takornariat taakku nalinginnaasumik piffissami ulapikkunnaalerfimmi tikittarput, piffissanilu ulapiffiunngikkaluartuni akunnittarfinni unnuisarlutik. Assersuutigalugu Nuummi, tuttunik akiliisitsilluni aallaaniartitsinissamut aasakkut taamaallaat qaammatit marluk ukiukkullu qaammat ataaseq neqeroornissatsinnut periarfissaqartarpugut, taakkulu isertitat 50 %-iunissaannut naammaqqajanngillat, siusinnerusukkut piniarnermit aalisarnermiillu 100%-imik inuussutissarsioreersimanngikkaanni. Aningaasat nunamiiginnarnissaat isumagisariaqarparput, tamanna isumaqtiginarpoq, kisianni aallarnisaasarnermut akornusersuissanngilagut. Nuummiut inuusuttut arlallit aallartikkumagaluartut ilisarisimavakka kisianni saniatigut aalisarnermik ingerlataqanngillat. Ilinniagaqarsimasuupput nalinginnaasumillu suliffeqarlutik. Taava inuusuttut najukkamiittut piumasaqaammit tassanngat mattunneqassappat?

Sooq takornariartitsisarfimmik allamik peqartoqarsinnaanngila, takornariaqarnermullu inatsimmi piumasaqaatit eqquutsillugit, suliffeqarfiullu taassuma ilaatut akiliisitsilluni aallaaniartitsinermik ingerlatsilluni?

Maannakkorpiaq Nuummi ingerlatsisoqanngilaq piumasaqaammik tassanngat eqquutsitsisinnaasumik, taamaammat maannakkut sammisassaqtitsinigut tamatta unitsittariaqassavavut piumasaqaat taanna akuersissutigineqassappat.

Akissut: Siunnersuutip pingaarnertut siunniussaa tassaavoq, akiliisitsilluni aallaaniarnermik aaqqissuussisartut inuiaqatigiinnut kalaallinut attuumaassuteqarnissaannik piumasaqaammik sukaterinissaq najukkamilu aallaaveqarnissap qulakkeernissaa, aallarnisaasartunut akiliisitsilluni aallaaniarnermik neqerooruteqarumasunut, saniatigulli aalisartuunatillu piniartuunngitsunut akornusersuininginnissaq. Maleruagassaq ilanngunneqarpoq, piniarnermut aallaaniarnermullu inatsisip § 7-ian pingaarnertut maleruagassaq, inuussutissarsiutigalugu piniarnermut allagartamik pissarsiumagaanni, piusoq aallaavigalugu taanna suliaammat. Akiliisitsilluni aallaaniarnermik aaqqissuussinissamut akuersisummiq pissarsiniaraanni, inuussutissarsiutigalugu piniarnermut allagartaqarnissaq piumasaqaataanngimmat, kisiannili uumasumik, akuersisummi pineqartumik, akiliisitsilluni aallaaniarsinnaanermut upernarsaataannaammat, nalunaarutip § 8 naapertorlugu, akerliliissut Naalakkersuisoqarfíup paasivaa aamma piniarnermit, aallaaniarnermit aalisarnermiillu ilanngaatitaganganngitsumik isertitat 50 %-iunissaanik piumasaqaat peerlugu.

Inuk Expedition, Inuk Adventure, Disko Bay Tours, Authentic Greenland, Ilulissat Water Tours, Uummannaq Seasafaris ataatsimoorussatut allakkiaminni allappaat, "Umimmanniarnermit isertitavut taamaallaat pissarsiarisarpagut. Taamaattumik umimmanniarnerinnarmit tamatumanilu aallaaniarnermik aaqqissuussisartumut akuersisummiq tunniussinissamut atugassarititaasunut aalajangersakkat piumasaqaatillu aalajangersarneqarsimasut tusarniaanermut akissuteqaaterput aallaaveqarpoq. Aqtsiveqarfimmi najukkatsinni tuttunniarluni aallaaniarneq soqutigineqanngilaq. Aqtsiveqarfimmi najukkatsinni tuttunik tammajuitsussarsiorluni aallaaniarneq assut ajornakusoorpoq, pingaartumik nunap isorartunerujussua pissutaalluni.

Aqtsiveqarfimmi najukkatsinni, Naternaq, Kommune Qeqertalimmi najugaqartunik aallaaniarnermik aaqqissuussisartut peqatigalugit ataatsimoorussatut umimmattassaqarpugut. Naternami umimmanniarnermut akuersissutit katillugit 15-it tunniunneqarnikuupput. Akuersissutit taakku ajornanngitsuaqqamik aallaaniarluni aaqqissuussisartunut marlunnut-pingasunut agguanneqarsinnaapput, aallaaniarluni aaqqissuussisartut ataaseq piffissat piniarfiusut tamaasa tallimat missaaniittunik akuersissutinik peqarsinnaasarput. Nuna tamakkerlugu umimmannik tammajuitsussarsiorluni aallaaniarnermut aki assigiissoq piuvoq taannalu 40.000 kr.-it missaaniippoq (sullissamut). Angalatitseqatigiiffik 20-25%-iisa missaanik akiliuteqarfingeqartussaavoq, tamatumanilu umimmak ataaseq aallaaniarnermik aaqqissuussisup 30.000-it missaaniittunik pissarsissutigisarpa. Tamatuma tammajuitsussarsiorluni aallaaniarnermit ukiumut 150.000-it missaaniittunik isertitsissutaasarpoq.

Isertitat taakku Avannaata Kommuniani najugaqaraanni, amerlanerusunillu akuersissutinik pissarsisinnaanngikkaanni ikittuararsuupput. Taamaattumik aqtsiveqarfimmi pisassiissutit ikippallaarpata, aaqqissuussamit 50/50-imit saneqqutaarinissamut periarfissamik immikkut ittumik

aalajangersakkamik peqartoqartariaqaraluarpoq. Assersuutigalugu Naternami, Siggummi aamma Nanortalimmi.

Aningaasat taaneqartut sinnerlugit pissarsiffiusartunik tamatta sammisaqartitsisarpugut taamaammallu piffissami sivisumi inuussutissarsiutitsinnik ingerlatsisimagaluarluta, periarfissinnejartussatut igineqanngisaannarpugut. Inuussutissarsiummut aningaasaliinikuuvugut, nunamilu inunngorsimasuinnarnik najukkani ingerlatsisoqarluta. Aaqqissuussineq 50/50 pillugu allannguisoqassanngippat, eqqorneqassaagut.

Aallaavittut isigalugu Kangerlussuarmi najugaqaraanni akuersissutinillu amerlasuunik pissarsisinnaagaanni, aaqqissuussaq ajunngivippoq. Kisianni umimmannik pisassiissutit ikippata, inuussutissarsiorneq najukkamilu ingerlataqartut eqqorneqassapput. Siuliini taaneqartut ingerlatseqatigiiffiit sinnerlugit.

Akissut: Naalakkersuisoqarfíup piniarnermit, aallaaniarnermit aalisarnermiillu 50 procentimik ilanngaatitaqanngitsumik isertitaqarnissaq pillugu piumasaqaat peerpaa, qinnuteqartup pisariaqartunik piniutinik pigisaqarnissaq pillugu piumasaqaat ilanngullugu.

Sulisitsisut tusarniaanermut akissutiminni allappaat, immikkut ittumik akuerineqarnissamut periarfissaqarmat naammagisimaarlugu”, tassa nunat allat assigalugit piginnaasatigut inerisaanissaq aamma pisariaqarsinnaammat, soorluttaaq akiliisitsilluni aallaaniarnermik inuussutissarsiornermut ilanngunnissaq periarfissaasariaqartoq.

Inatsisissatut siunnersuummi ataasiakkaanut oqaaseqaatit.

§ 16 a-mut tunngatillugu uuma qanoq paasineqarnissaa "... nammineq ineqarneq...".

Aalajangersakkani inersimasunngorsimaneq nammineq ineqarnermut attuumassuteqartinnera tunngavigineqarpoq. Taakku imminnut ataqtiginnissaat pisariaqartuunngilaq. Taamaattumik nammineq najugaqarnerup aamma inersimasunngorsimanerup akornanni assigiisitsisoqartariaqanngilaq.

Akissut: Naalakkersuisoqarfíup aalajangersakkami 18-inik ukioqarnissaq pillugu oqaasertaliussaq allanngortippaa, "nammineersinnaassusilik" pillugu piumasaqaammik taarserlugu.

§ 16a 5-imut) tunngatillugu inatsisissatut siunnersuummi allassimavoq "... akiliisitsilluni aallaaniarnermit ikinnerpaamik 50%-ii... ", nassuaatini allassimalluni, "...akiliisitsilluni piniarneq aalisarnerlu...". Inatsisimmi nassuaatinilu allassimasut akornanni naapertuuttoqassaaq.

Akissut: Ilanngaatitaqanngitsumik isertitat 50 %-iunissaat pillugu piumasaqaat peerneqarpoq.

Qeqqata Kommuniata tusarniaanermi akissutimini allappaa, najukkami akiliisitsilluni aallaaniarnermik aaqqissuussisartut nutaat aallartissinnaanissaat periarfissaassasoq.

Akissut: Inuussutissarsiutigalugu piniarneq, aallaaniarneq aalisarnerlu pillugit inatsimmit aallaaveqartussat nalinginnaasumik qinnuteqartup isertitaasa 50 procent-iunissaat pillugu piumasaqaat aamma qinnuteqartup piniarnermi atortunik pisariaqartunik peqarnissaa pillugu piumasaqaat peerneqarsinnaanerat matuma periarfissikkaa Naalakkersuisoqarfiup allappaa.

Sermersooq Kommuniata allappaa, “akiliisitsilluni aallaaniarnermut piumasaqaatit allannguutaat pillugit naalakkersuisoqarfiup isumaanut isumaqataanatik. Inuussutissarsiutit ilaat taanna aallarnisarnerup nalaaniippoq, Nuup eqqaani tuttunnik, uumasunik mikinerusunik miternillu akiliisitsilluni aallaaniartarnermik neqeroortartut nutaat arlaqarnerusut maannakkut aallarnisaaruttulerput. Tamatumma saniatigut Tasiilap eqqaani puisinik aamma Ittoqqortoormiit eqqaanni umimmannik akiliisitsilluni aallaaniarnermik ingerlatsisoqartarpooq. Ingerlatallit taakku ilai arlallit, akiliisitsilluni aallaaniarnermit ukiumut isertitaannit tamarmiusunit 50 %-it isertinnissaat ajornartorsiutigisussaavaat, tassami uumasoqatigiinnut assigiinngitsunut arlalinnut piffissaq piniarfik sivikitsuusarpoq, ingerlatallillu arlallit ukiup sinneranut inuussutissarsiutigalugu aalisarnermik imaluunniit inuussutissarsiutigalugu piniarnermik ingerlataqarsinnaaneq ajorlutik.

Allannguutissatut inatsimmi § 2 imm. 2-mi, akiliisitsilluni aallaaniarnissamut akuersissutit pillugit isumaqatigiissutaareersut mininneqassapput, kisianni inatsimmi maannakkut oqaasertaliussaasut sunniinerat pissutigalugu, takornariartitsisartut akiliisitsilluni aallaaniarnermut akuersissummik pissarsisinnaanissaat ajornassaaq, akiliisitsilluni aallaaniartitsisartut sullissaannit piginnaaneqarluartuunissaat piumasaqaataammat. Nassuaatini piumasaqaatip 50 %-iusup aamma Kalaallit Nunaanni najugaqarsimanissap ukiunut tallimanut sivitsorlugu allanngortinnersa pillugit nassuaatigineqarput, najukkami piniarnermi ileqput kulturikkullu naleqartitat paasineqartarnerat ataqqineqartarnerallu aaqqissuisartut siuarsaaqataaffigissammassuk. Tamanna tammajuitsussarsiorlutik aallaaniartartut nunami allamiut misiginngisaannartussaavaat. Oqaatsitigut piginnaasaqarnissamik, kiffartuussinerup qaffasissuunissaanik aamma nunani tamalaanisuulli ilisimasortaqtarnissamik kissaateqarput. Inuussutissarsiutigalugu aalisarnermik piniarnermillu tunuliaqatalinninngarnit, piginnaasat taakku takornariartitsinermik ingerlatsisuneersutut tunuliaqutilinnit inunniit pitsaanerpaamik ajunngitsorsisinneqartassajunnarsippu. Taamaattumik akiliisitsilluni aallaarniarnermit aalisarnermiillu isertitat 50 %-iunissaannik piumasaqaatip atulersinnissa kommunip kissaatiginngila.

Akissut: Inuussutissarsiutigalugu piniarnermit aalisarnermiillu ilanngaatitaqanngitsumik isertitat 50 procentiunissaannik piumasaqaat kiisalu piniarnermi atortunik qinnuteqartup peqarnissaa pillugu piumasaqaat naalakkersuisoqarfimmit peerneqarnikuupput.

Maannakkut Ittoqqortoormiit eqqaanni umimmannut atatillugu tammajuitsussanik aaqqissuussisartunik ingerlatsisoqanngilaq.

Akiliisitsilluni aallaaniarnissamut aalisarnissamullu akuersisummiik pissarsissagaanni **aqutsiveqarfimmi eqqqissartaumi najugaqarnissamut piumasaqaat** pillugu siunnersuut saqqummiunneqarpoq. Aaqqissuussinerit takoqqusaarinerillu ingerlannissaannut pisariaqartumik piginnaasanik pillit inuit ikittuaraakkajupput, taakkulu suliaqarfingisamik allilernissaannut periarfissinneqartariaqarput aqutsiveqarfimmi najugaqanngikkaluarlutik. Paarlattuanik nunap immikkoortuani nunaminertat periarfissarpassuallit, atorneqanngitsoorsinnaapput. Nunap immikkoortuani nunaminertami aalajangersimasumi akiliisitsilluni piniarnermut aalisarnermullu akuersisummiik qinnuteqaatit suliarineranni, ingerlassaqartut avataaneersut maannakkut killilersimaarneqalereerput najukkameersullu toqqartorneqarlutik.

Akissut: Piumasaqaataasinhaasoq § 13, imm. 7-mi allaqqasoq, atuutiinnarpoq kisianni toqqarneqarsinnaalluni.

KNAPK:

Akiliisitsilluni aallaaniarnermik aaqqissuussisoq

Akiliisitsilluni aallaaniarnermik aaqqissuussisup ukiuni tallimani najugaqarsimanissaanik piumasaqaat sukaterlugu § 16 a-mi aalajangersakkap allanngortinnera KNAPK-p isumaa malillugu inissaminiilluinnarpoq. Kinaluunniit akiliisitsilluni aallaaniarnernik aamma piniarnermik aallaaniarnermillu ingerlatsissanngilaq.

Piniarnermik aallaaniarnermillu ingerlatsisunut atassuteqarnissamut piumasaqaat inissaminiippoq. Taamaattumik najugaqarnissamut ukiunut tallimanut sivitsorneratigut atassuteqarnissamut piumasaqaat kisiat pinnagu aalajangersakkamik sukaterinissamut Naalakkersuisut siunnersuutaat ilassilluarneqarpoq.

Pinngortitamut avatangiisinullu, uumasoqarnermut, silap pissusaanut, ileqqunut, kulturimut nunanullu piniarfiusunut, pissutsit ilisimariinngikkaanni imaaliallaannarluni pigilersinnaanngisanut ilisimasaqarnissamut pissutsinut arlalinngut KNAPK isumaqataavoq. Akiliisitsilluni aallaaniarnermik ingerlatsilissagaanni pissutsinik atukkanillu annertunerusumik paasisimasaqarnissamik ilisimasaqarnissamillu piumasaqarneq taamaattumik inissaminiippoq.

Immikkut akuersisarnermut malittarisassat

§ 10-mi immikkut akuersisarnissamut aalajangersakkap kingunerisaanik aalajangersagaq § 16 a-p ikkunneqarnerata kinguneraa.

Ilinniarnissaq siunertaralu allanilluunniit peqquteqarluni Kalaallit Nunaata avataani kalaalerpassuit nunasisarnerat KNAPK-mit akuerineqarpoq. Kattuffiup naliliinera malillugu piniartut inuusuttut siullermeertumik inuussutissarsiorluni allagartamik qinnuteqarnerminni immikkut akuersisoqarnissaa pisariaqartittarpaat, taamaattumik siusinnerusukkut piniarnermik pingaarnertut inuussutissarsiuteqarsimannngikkaanni § 7, nr. 5-imi, § 8-mi aamma § 16 a-mi piumasaqaatiniiit immikkut akuersinissaq pisariaqarsinnaavoq.

Akuersissummut qinnuteqarnermi najugaqarnerup aalajangersimasumik uppernarsarnissaanik sukaterineq

Akuersissut pillugu qinnuteqarnermi najugaqarnerup aalajangersimasumik erseqqissarnissaa pillugu ikkussinissaq pillugu siunnersuut inissaminiilluinnarpoq. Siunnersummut pissutaasutut aqutsiveqarfinni pisassiissutinik killilersuiffiusinnaasuni pisassiissutinik agguasarneq uparuuarneqarpoq. Taamaattumillu najugaqarnerup aalajangersimasumik sukateriffiginissaa inissaminiilluni.

Pisassiissutissanik agguassineremi uumasunut arlalinnut atuuttunik killilersuinerpassuaqarpoq. Taamaattumik najugaqarnerup aalajangersimasuunissaa pillugu piumasaqaat paasinarluni.